

02 JANUARI 2018

## Tiga wanita penagih dadah ditahan

### Tiga wanita penagih dadah ditahan

**SEBERANG PERAI** – Tujuh penagih termasuk tiga wanita ditahan bersama-sama sejumlah dadah dalam serbuan polis di sebuah rumah di Jalan Pekan Darat, Permatang Tok Jaya, Butterworth di sini semalam.

Ketua Polis Daerah Seberang Perai Utara (SPU), Asisten Komisioner Noorzainy Mohd. Nor berkata, dalam serbuan kira-kira pukul 12.10 tengah malam itu, pihaknya menemui dua paket dadah di atas lantai rumah

tersebut.

“Pemeriksaan mendapati terdapat dua paket plastik lut-sinar yang mana setiap satu berisi bahan disyaki dadah jenis heroin seberat kira-kira 30 gram (g) dan syabu (1g).

“Tangkapan dan rampasan barang kes bernilai kira-kira RM610,” katanya di sini semalam.

Menurut beliau, siasatan pihaknya mendapati dadah tersebut adalah untuk pasaran di sekitar kawasan Pekan

Darat, Butterworth di sini.

“Siasatan turut mendapati ujian air kencing kesemua suspek berusia antara 23 hingga 43 tahun itu adalah positif dan mereka turut mempunyai rekod jenayah lampau berkaitan dadah,” ujarnya.

Kesemua suspek kini ditahan reman selama tujuh hari bermula semalam.

**DADAH dan peralatan menagih yang dirampas di Permatang Tok Jaya, Butterworth semalam.**

